



Arkivnr: 2014/2-65

Saksbehandlar: Adeline Berntsen Landro

Saksframlegg

Saksgang

Utval	Saknr.	Møtedato
Hordaland fagskulestyre		27.01.2015

Høyring - Forslag til endring i forskrift om tilsyn med kvaliteten i fagskuleutdanning

Samandrag

Forskrift om tilsyn med kvaliteten i fagskoleutdanning (fagskuletilsynsforskrifta) vart vedtatt av NOKUT sitt styre 12. desember 2013. NOKUT sine erfaringar til no syner at det er høveleg å justera forskrifta. NOKUT meiner det bør vere ein grunnleggjande føresetnad at fagskuleutdanningar skal vere utforma i tråd med Nasjonalt kvalifikasjonsrammeverk for livslang læring (NKR). Vidare meiner NOKUT at det vil vere høveleg å kunne gje avslag på søknader om godkjenning av fagskuleutdanning tidleg i ein prosess dersom Læringsutbyttebeskrivingane (LUB) ikkje er utforma i tråd med NKR.

Forslag til vedtak

Hordaland fagskulestyre støttar NOKUT sitt forslag til endring i forskrift om tilsyn med kvaliteten i fagskuleutdanning.

Svein Heggheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor ingen underskrift.

Vedlegg

1 Høyringsbrev - Forslag til endring i forskrift om tilsyn med kvaliteten i fagskuleutdanning

Fylkesrådmannen, 07.01.2015

Forskrift om tilsyn med kvaliteten i fagskoleutdanning (fagskuletilsynsforskrifta) vart vedtatt av NOKUT sitt styre 12. desember 2013. NOKUT sine erfaringar til no syner at det er høveleg å justere forskrifta. NOKUT meiner det bør vere ein grunnleggjande føresetnad at fagskoleutdanninger skal vere utforma i tråd med Nasjonalt kvalifikasjonsrammeverk for livslang læring (NKR). Vidare meiner NOKUT at det vil vere høveleg å kunne gje avslag på søknader om godkjenning av fagskoleutdanning tidleg i ein prosess dersom Læringsutbyttebeskrivingane (LUB) ikkje er utforma i tråd med NKR. For at dette skal vere mogleg må fagskuletilsynsforskrifta verta endra slik:

NOKUT føreslår å legge til eit punkt h) i § 3-1 (1). I § 3-1 (1) står det «Krav i fagskoleloven med forskrifter skal være oppfylt. NOKUT vurderer følgende krav: ...». I merknaden til § 3-1 (1) står det at «for at en søknad om godkjenning skal sendes videre til sakkyndig vurdering, må alle kravene i § 3-1 være oppfylt». Å plassere det nye kravet her gjer at NOKUT har høve til å vurdere LUB saman med dei andre grunnleggjande føresetnadene.

NOKUT sitt forslag til endring:

«§ 3-1 (1) h) Utdanningen skal beskrives i tråd med Nasjonalt kvalifikasjonsrammeverk for livslang læring.

Merknad: I vurderingen av dette kravet kan NOKUT benytte referansepersoner og/eller sakkyndige.»

Administrasjonen ved Opplæringsavdelinga vil tilrå styret å støtta NOKUT sitt forslag til endring av fagskuletilsynsforskrifta av di dette kan bidra til ei raskare sakshandsaming for alle partar. Tilbydarar med søknader som har LUB i tråd med NKR, vil få ein raskare saksgang når det er færre søknader å handsame, og tilbydarar med søknader som ikkje har gode nok læringsutbyttebeskrivingar, vil raskare få høve til å arbeide vidare med fagskuletilbodet.

For meir informasjon om høyringsforslaget sjå vedlegg.